

თელავის მუნიციპალიტეტის საკრებულოს
სამანდატო-საპროცედურო და იურიდიულ საკითხთა კომისიის სხდომის

ოქმი N 1

ქ.თელავი

17. 01. 2023 წ.

თავმჯდომარეობდა:

სამანდატო-საპროცედურო და იურიდიულ საკითხთა
კომისიის თავმჯდომარე ლევან ბერძენაშვილი.

სხდომას ესწრებოდნენ კომისიის წევრები: თინათინ ხანჯალიაშვილი, ზურაბ
ლილუაშვილი, ალექსანდრე შათირიშვილი, მიხეილ
დალუნდარიძე, მარიამ ლილუაშვილი, გივი ლაფაური,
იმედა კველიშვილი, გიგი გიგიტელაშვილი.

სხდომას აგრეთვე ესწრებოდნენ: თელავის მუნიციპალიტეტის საკრებულოს
თავმჯდომარის პირველი მოადგილე მამუკა
ბურდიაშვილი, თელავის მუნიციპალიტეტის
საკრებულოს სოციალური, კულტურის, განათლების
და ახალგაზრდულ საქმეთა კომისიის თავმჯდომარე
გიორგი ხაჭაპურიძე, თელავის მუნიციპალიტეტის
საკრებულოს ფრაქცია „ქართული ოცნება
დემოკრატიული საქართველო“-ს თავმჯდომარის
მოადგილეები ზაზა ტატულიშვილი, ოთარ
ესიტაშვილი, თელავის მუნიციპალიტეტის მერიის
ეკონომიკური განვითარებისა და ქონების მართვის
სამსახურის უფროსი ზურაბ სახიაშვილი, თელავის
მუნიციპალიტეტის მერიის იურიდიული სამსახურის
უფროსი ანა ფეიქრიშვილი, თელავის
მუნიციპალიტეტის საკრებულოს სამანდატო-
საპროცედურო და იურიდიულ საკითხთა კომისიაში
მოწვეული სპეციალისტი ქეთევან ილაშვილი, მოქალაქე
მაკა მოსიაშვილი.

დ დ ი ს წ ე ს რ ი გ ი

1. თელავის მუნიციპალიტეტში სახელმწიფო და თელავის მუნიციპალიტეტის საკუთრებაში არსებული არასასოფლო - სამეურნეო დანიშნულების მიწის ზონირებისა და ნორმატიული ფასის განსაზღვრის შესახებ

მომხს.ლ.ბერძენაშვილი

2. თელავის მუნიციპალიტეტის საკუთრებაში არსებული სასოფლო-სამეურნეო (სახნავი) დანიშნულების მიწის ნაკვეთების სახელმწიფოსათვის საკუთრებაში უსასყიდლოდ გადაცემაზე უარის თქმის შესახებ

მომხს.ლ.ბერძენაშვილი

3. თელავის მუნიციპალიტეტის საკრებულოს 2018 წლის 08 თებერვლის №12 დადგენილებაში „თელავის მუნიციპალიტეტის მერიის საშტატო ნუსხისა და თანამდებობრივი სარგოების დამტკიცების შესახებ“ ცვლილების შეტანის თაობაზე

მომხს.ლ.ბერძენაშვილი

4. „თელავის მუნიციპალიტეტის საკრებულოს თანამდებობის პირთა თანამდებობრივი სარგოების და აპარატის პროფესიულ საჯარო მოხელეთა საშტატო ნუსხისა და თანამდებობრივი სარგოების დამტკიცების შესახებ“

მომხს.ლ.ბერძენაშვილი

მოისმინეს:1. თელავის მუნიციპალიტეტში სახელმწიფო და თელავის მუნიციპალიტეტის საკუთრებაში არსებული არასასოფლო - სამეურნეო დანიშნულების მიწის ზონირებისა და ნორმატიული ფასის განსაზღვრის შესახებ

აზრი გამოთქვას: ლევან ბერძენაშვილმა აღნიშნა, რომ საქართველოს კანონმდებლობის შესაბამისად თელავის მუნიციპალიტეტის საკრებულო ვალდებულია ყოველწლიურად არაუგვიანეს თებერვლის თვისა განსაზღვროს თელავის მუნიციპალიტეტში სახელმწიფო და თელავის მუნიციპალიტეტის საკუთრებაში არსებული არასასოფლო - სამეურნეო დანიშნულების მიწის ზონირება და ნორმატიული ფასი. მანვე აღნიშნა, რომ მერიის მიერ წარმოდგენილი პროექტის მიხედვით მონაცემები არ იცვლება გასულ წელთან მიმართებაში და სასურველია, რომ კომისიის წევრებმა საკითხს მხარი დაუჭირონ. კომისიის წევრმა თინათინ ხანჯალიაშვილმა განმარტა, რომ 2022 წელს საკრებულომ მხარი დაუჭირა ზონირების და ნორმატიული ფასის ცვლილებას, რომლის შესაბამისადაც ბიუჯეტში

უფრო მეტი თანხები იქნა მობილიზებული. მანვე განაცხადა, რომ უმჯობესია მიმდინარე წელსაც იგივე დარჩეს მონაცემები და 2024 წლისთვის მოხდეს ცვლილება ნორმატიული ფასის მომატებასთან დაკავშირებით. კომისიის სხვა წევრების და დამსწრე პირთა მიერ სხვა მოსაზრებები ან განმარტებები არ გამოთქმულა. კომისიამ კენჭისყრის შედეგად ხმათა უმრავლესობით (კენჭისყრაში მონაწილეობა არ მიიღო იმედა კველიშვილმა) გადაწყვიტა:

გადაწყვიტეს: საკითხი წარედგინოს ბიუროს დადებითი რეკომენდაციით, საკრებულოს მორიგ სხდომაზე განსახილველი საკითხების ნუსხაში შესატანად.

მოისმინეს: 2. თელავის მუნიციპალიტეტის საკუთრებაში არსებული სასოფლო-სამეურნეო (სახნავი) დანიშნულების მიწის ნაკვეთების სახელმწიფოსათვის საკუთრებაში უსასყიდლოდ გადაცემაზე უარის თქმის შესახებ.

აზრი გამოთქვას: კომისიის თავმჯდომარემ აღნიშნა, რომ განკარგულების პროექტი შემოსულია საკრებულოში მერიიდან, რომლის მიხედვითაც უარი უნდა ეთქვას სახელმწიფოს თელავის მუნიციპალიტეტის საკუთრებაში არსებული 3 სასოფლო-სამეურნეო (სახნავი) დანიშნულების მიწის ნაკვეთის, მდებარე სოფელ ვანთაში, უსასყიდლოდ გადაცემაზე. ლევან ბერძენაშვილმა განმარტა, რომ სახელმწიფო ქონების ეროვნული სააგენტოს მიერ ქონების გადაცემაზე მოთხოვნა არის დაუსაბუთებელი და საკმარისი არგუმენტაციის გარეშე, შესაბამისად მერიის პოზიცია არის სწორი, ამასთან ერთად მუნიციპალიტეტი დაკარგავს შემოსავალს რომელიც პრივატიზებული ქონებიდან უნდა შემოვიდეს ბიუჯეტში. კომისიის თავმჯდომარის არგუმენტაციას დაეთანხმნენ კომისიის სხვა წევრები, სხვა მოსაზრებები ან წინადადებები არ წარმოთქმულა.

კომისიამ კენჭისყრის შედეგად ერთხმად გადაწყვიტა:

გადაწყვიტეს: საკითხი წარედგინოს ბიუროს დადებითი რეკომენდაციით, საკრებულოს მორიგ სხდომაზე განსახილველი საკითხების ნუსხაში შესატანად.

მოისმინეს: 3. თელავის მუნიციპალიტეტის საკრებულოს 2018 წლის 08 თებერვლის №12 დადგენილებაში „თელავის მუნიციპალიტეტის მერიის საშტატო ნუსხისა და თანამდებობრივი სარგოების დამტკიცების შესახებ“ ცვლილების შეტანის თაობაზე

აზრი გამოთქვას: ლევან ბერძენაშვილმა აღნიშნა, რომ ნორმატიულ აქტში ცვლილება განპირობებულია „საქართველოს 2023 წლის სახელმწიფო ბიუჯეტის შესახებ“ საქართველოს კანონის, „საჯარო დაწესებულებაში შრომის ანაზღაურების შესახებ“ საქართველოს კანონის შესაბამისად, რის მიხედვითაც საჯარო დაწესებულებაში შრომის ანაზღაურების საბაზისო განაკვეთი 1100 ლარიდან გაიზარდა 1210 ლარამდე. შესაბამისად საკრებულოს ნორმატიულ აქტშიც უნდა განხორციელდეს საბაზისო განაკვეთის გაზრდა. აგრეთვე ლევან ბერძენაშვილმა განმარტა, რომ პროექტის მიხედვით იზრდება მხოლოდ საბაზისო განაკვეთის თანხა, ხოლო თანამდებობრივი სარგოს კოეფიციენტები რჩება უცვლელი, რაც მიანიშნებს იმას, რომ კი არ ხდება ხელფასების ზრდა, არამედ ეს არის საკრებულოს ნორმატიული აქტის საქართველოს კანონმდებლობასთან შესაბამისობაში მოყვანა.

გიგი გიგიტელაშვილმა აღნიშნა, არ არის აუცილებელი მხარდაჭერა მოხდეს პროექტის რადგან ლოგიკური არგუმენტია გაურკვეველია. საქართველოს მასშტაბით სადაც ოპოზიციას უმრავლესობაში იმ რეგიონებში არ მოხდა ხელფასების ზრდა, აგრეთვე მოხდა საშტატო რიცხოვნობის კლება.

იმედა კველიშვილმა აღნიშნა, რომ მუნიციპალიტეტის აიპის თანამშრომელს არ ეზრდებათ ხელფასები და იკითხა მათ საქსტატის მონაცემები არ ეხებათ? ასევე პედაგოგებს არ ეზრდებათ ხელფასები მათი საბაზისო სახელფასო სარგო შეადგენს 500 ლარს. ი.კველიშვილმა აგრეთვე აღნიშნა, რომ საქართველოში საჯარო მოხელეებზე ქვეყანა ბევრად მეტს ხარჯავს ვიდრე თუნდაც ამერიკის შეერთებული შტატები, საფრანგეთი და სხვა განვითარებული ქვეყნები. აგრეთვე აღნიშნა, რომ საკრებულოში ფრაქციებს არ უნდა ყავდეთ უამრავი მოოადგილეები და რომ მათი ხელფასები წყალში გადაყრილია. ასევე მერზე, ჩინოვნიკებზე იხარჯება ბევრი ფული ხოლო პედაგოგებზე ნაკლები. მოითხოვა აგრეთვე წარმომადგენლობითი ხარჯის შემცირება.

ლევან ბერძენაშვილმა კიდევ ერთხელ აღნიშნა, რომ წარმოდგენილი პროექტი თუ არ იქნება მხარდაჭერილი იგი კანონთან შეუსაბამობაში მოვა.

მოქალაქე მაკა მოსიაშვილმა აღნიშნა, რომ თუ საბაზისო განაკვეთის ზრდა განპირობებულია საქსტატის მონაცემებზე მაშინ რატომ არ ვრცელდება სოციალურად დაუცველთა დახმარებების ზრდაზე. აგრეთვე აღნიშნა, რომ არ უნდა ეძლეოდეთ საკრებულოს დეპუტატებს ანაზღაურება

წარმომადგენლობითი უფლებამოსილების განხორციელებისათვის 800 ლარის ოდენობით, რადგან ისინი საკრებულოს სხდომებზეც კი არ დადიან

ლევან ბერძენაშვილმა მაკა მოსიაშვილს უპასუხა, რომ საქართველოს 2023 წლის სახელმწიფო ბიუჯეტის კანონის მიხედვით, დახმარებები ეზრდებათ სოციალურად დაუცველ ოჯახებში მცხოვრებ ბავშვებს, პენსიონერებს საჯარო მოხელეებს და სხვადასვა კატეგორიის ადამიანებს და რომ სახელმწიფო ბიუჯეტის ფარგლებში გათვალისწინებულია მაქსიმალურად ყველას ინტერესები.

კომისიის სხვა წევრებს, დამსწრე დეპუტატებს, მოქალაქეებს, სხვა მოსაზრებები ან წინადადებები არ გამოუთქვიათ.

კომისიამ კენჭისყრის შედეგად ხმათა უმრავლესობით (კენჭისყრაში მონაწილეობა არ მიიღო იმედა კველიშვილმა და გიგი გიგიტელაშვილმა) გადაწყვიტა:

გადაწყვიტეს: საკითხი წარედგინოს ბიუროს დადებითი რეკომენდაციით, საკრებულოს მორიგ სხდომაზე განსახილველი საკითხების ნუსხაში შესატანად.

მოსმინეს 4. „თელავის მუნიციპალიტეტის საკრებულოს თანამდებობის პირთა თანამდებობრივი სარგოების და აპარატის პროფესიულ საჯარო მოხელეთა საშტატო ნუსხისა და თანამდებობრივი სარგოების დამტკიცების შესახებ“

აზრი გამოთქვეს: ლევან ბერძენაშვილმა აღნიშნა, რომ ნორმატიულ აქტში ცვლილება განპირობებულია „საქართველოს 2023 წლის სახელმწიფო ბიუჯეტის შესახებ“ საქართველოს კანონის, „საჯარო დაწესებულებაში შრომის ანაზღაურების შესახებ“ საქართველოს კანონის შესაბამისად, რის მიხედვითაც საჯარო დაწესებულებაში შრომის ანაზღაურების საბაზისო განაკვეთი 1100 ლარიდან გაიზარდა 1210 ლარამდე. შესაბამისად საკრებულოს ნორმატიულ აქტშიც უნდა განხორციელდეს საბაზისო განაკვეთის გაზრდა. აგრეთვე ლევან ბერძენაშვილმა განმარტა, რომ პროექტის მიხედვით იზრდება მხოლოდ საბაზისო განაკვეთის თანხა, ხოლო თანამდებობრივი სარგოს კოეფიციენტები რჩება უცვლელი, რაც მიანიშნებს იმას, რომ კი არ ხდება ხელფასების ზრდა, არამედ ეს არის

საკრებულოს ნორმატიული აქტის საქართველოს კანონმდებლობასთან შესაბამისობაში მოყვანა.

კომისიის სხვა წევრებს, დამსწრე დეპუტატებს, მოქალაქეებს, სხვა მოსაზრებები ან წინადადებები არ გამოუთქვიათ.

კომისიამ კენჭისყრის შედეგად ხმათა უმრავლესობით (კენჭისყრაში მონაწილეობა არ მიიღო იმედა კველიშვილმა და გიგი გიგიტელაშვილმა) გადაწყვიტა:

გადაწყვიტეს: საკითხი წარედგინოს ბიუროს დადებითი რეკომენდაციით, საკრებულოს მორიგ სხდომაზე განსახილველი საკითხების ნუსხაში შესატანად.

კომისიის თავმჯდომარე



ლევან ბერძენაშვილი